

穆宗毅皇帝實錄(三)

卷九〇至卷一二五
同治三年

清實錄

第四七冊

中華書局影印

清實錄第四七冊目錄

穆宗毅皇帝實錄(三)

卷九〇	同治三年正月上	五〇二一
卷九一	同治三年正月	五〇三六
卷九二	同治三年正月下	五〇四〇
卷九三	同治三年二月上	五〇五五
卷九四	同治三年二月中	五〇七三
卷九五	同治三年二月下	五〇九四
卷九六	同治三年三月上	五〇一二
卷九七	同治三年三月中	五〇三四
卷九八	同治三年三月下	五〇五四
卷九九	同治三年四月上	五〇七八
卷一〇〇	同治三年四月中	五〇四〇三
卷一〇一	同治三年四月下	五〇四二四
卷一〇二	同治三年五月上	五〇四四六

卷一〇三	同治三年五月中	五〇四六七
卷一〇四	同治三年五月下	五〇四八九
卷一〇五	同治三年六月上	五〇五一三
卷一〇六	同治三年六月中	五〇五三二
卷一〇七	同治三年六月下	五〇五四六
卷一〇八	同治三年七月上	五〇五七八
卷一〇九	同治三年七月中	五〇六〇四
卷一一〇	同治三年七月下	五〇六二六
卷一一一	同治三年八月上	五〇六五五
卷一二二	同治三年八月中	五〇六九〇
卷一二三	同治三年八月下	五〇七一二
卷一二四	同治三年九月上	五〇七三九
卷一二五	同治三年九月中	五〇七六〇
卷一二六	同治三年九月下	五〇七八〇
卷一二七	同治三年十月上	五〇七九五
卷一二八	同治三年十月中	五〇八二三
卷一二九	同治三年十月下	五〇八三四

大清穆宗繼天開運受中居正保大定功聖智
誠孝信敏恭寬毅皇帝實錄卷之九十

監修楊萬言題署海起屠法官太子太傅文淵閣領事翰林院掌書院主講祭服奉方略屠顯殿武其壯大學士軍機大臣漢江蘇按察使

理吏部事務戶部五庫事務加七級軍功加五級例帶加七級紀錄三十次。有學士職銜賜官志一少保文淵閣領閣事體仁閣大學士武英殿掌印

[illegible]

學士稽察欽奉上諭聖旨處因史館編纂失其起視假借解之鈔子兵部司書曹傑生監刻印庶司理戶部二庫事務國子監書格和允錄筆力加五版通帶

船六級既錄十九次在沈桂芬奏本引聘戴宮殿近護宮闈二百七十四所尚書管理一部三年書海海器知五版既錄十二次在徐桐等奏

故修

同治三年甲子春正月癸卯朔

上詣

奉先殿行禮○遣官祭

太廟後殿○幸王以下文武大臣詣

慈寧門慶賀

慈安皇太后○

慈禧皇太后○禮成○御太和殿受朝○作樂宣表如

儀○詣

大高殿

壽皇殿行禮○甲辰○

上詣綏履殿問

慈安皇太后安平安室問

慈禧皇太后安至辛未皆如之○諭內閣前因

翰林院侍讀學士孫鏘鳴奏前署温州府知

府黃維誥等縱匪殃民各款諭令左宗棠查

明具奏茲據奏稱查明原叅黃維誥等釀成

會匪之變一節係由瑞安林垺牙戶李子榮

與富戶陳安濶挾嫌嗾前倉匪黨折毀陳安

瀾房屋時孫鏘鳴在籍辦理團練自募勇丁

赴平陽將前倉房屋燒毀該處匪黨旋圖報

復聞獠鎬鳴有赴府城之信卽闌入府城經

署永嘉縣知縣陳寶善當卽擊散厥後會匪

攻温州者兩次攻瑞安者月餘均由黃維誥

陳寶善孫杰設法守禦幸未被陷會匪激變

之由實由紳團孟浪所致原叅知府周開錫

試辦鹽釐陳寶善勸其以殺立威一節上年

春間周開錫赴温州府知府任時曾令試辦

鹽釐輔以官運永嘉所轄溫溪地方私販播

造流言。梟匪姚繼富糾眾攔搶鹽船連毀青田處州蘆卡。周開錫委陳寶善會同遊擊謝復雲前往處州將姚繼富緝獲訊明正法。餘均弗問。所稱捕得一人卽時斬首。當卽指此陳寶善並無力勸用威之事。原叅已革署平陽縣知縣蘇全策與現署平陽縣知縣余麗元等勒捐索賄一節。溫屬之永嘉瑞安平陽於咸豐十一年逆匪滋事時該局紳雇募台勇議由各該紳富捐輸雇價官不與聞嗣該紳富無以為償則書欠券派各戶捐輸彌補周開錫之令蘇全策同余麗元經理此案捐輸不過因蘇全策為當時在事之人責令設法了結至蔡懋貞偏查捐局並無其人蘇全策實非以留算交代為名仍辦平陽捐務亦無與余麗元等帶同會匪蔡懋貞四出勒捐情事。原叅瑞安雙穗場鹽大使程泰森設立鹽局以入會通匪鄉里不齒之捐納知縣沈漢澗在局幫辦一節。程泰森卽開化縣丞程

泰新之訛上年曾委該員訪察甌鹽利病委署雙穗場鹽大使因辦理苛細不洽輿情業經撤委其沈漢澗一員向在瑞安與孫銘鳴等同辦團事因言語迂觸致成嫌隙其曾否入會通匪無從查悉該紳所辦係海防局務至置船募勇之事係歸總兵黃載清管理沈漢澗實無幫辦鹽局自設勇船之事黃維詰一員居官廉謹其操守尚屬可信以上各情有經元年春間二年夏間孫銘鳴函請查辦者及逐一密查與所言迥異未敢稍有徇飾等語黃維詰等被叅各款既據該督查無其事孫銘鳴所奏著毋庸議朝廷勤求民瘼言路宏開外省各地方官如果辦理不善原准例應奏事之員列款入告從未偏持成見不為查辦乃孫銘鳴在局辦團激變輒行謾過於地方官以縱匪釀亂等情飾詞陳奏若非左宗棠深知黃維詰陳寶善官聲尚好幾至為該侍讀學士所誣且因沈漢澗言語迂觸

卽指為通匪。始則函屬左宗棠查辦。因所言不行。復捏詞入告。該侍讀學士以在籍久經辦團。疊選遷擢之員。宜如何公正為懷。力圖報效。今據所奏各情。是其徇私挾嫌。居心實屬險詐。孫鏘鳴著卽勒令休致。○諭議政王軍機大臣等。左宗棠奏攻勦餘杭踞賊獲勝。及覆陳籌辦大畧情形。李鴻章奏常州擊退援賊。立解奔牛重圍等。各摺片。奔牛一鎮。為鎮常衝要。李秀城、李侍賢等巨酋。方以死力

護金陵。老巢後路糾集大股。圍困唐殿魁等新營。並用輪船炸礮。力爭其地。官軍以少禦眾。勢頗危險。竟能力解重圍。焚其輪船。所辦尚好。李鴻章既據曾國荃函會。李秀城由金陵出向句容而去。又獲賊供。圍奔牛時。李秀城卽在其內。此時賊猶恃其狡悍。必欲爭此要衝。以為竄走之路。李鴻章現飭李鶴章、劉銘傳等相機圖攻常城。並防忠逆回援。著卽妥籌兼顧。左宗棠所部黃少春等軍攻勦餘

杭踞逆。東西北路均破。疊獲勝。蔣益澧攻杭一軍。分紮錢塘等門。復進攻清泰門外之觀音堂賊壘。水陸進逼。杭屬平湖乍浦海鹽之賊。俱已投誠。海甯州賊亦有獻城之說。杭賊勢孤。左宗棠已進駐橫溪頭。督勦餘杭。與蔣益澧攻杭之師。必須有一先下。嘉湖乃可次第肅清。卽著督令所部迅圖攻取。該督以賊中狡悍。惟餘李秀城、李侍賢同惡相濟。所當併力亟圖。現在蘇州已克。金陵、杭州均圍攻

緊急。賊勢必以皖浙為逃遁之路。廣德撫局未成。曾國藩所部不數分兵進勦。左宗棠留王開琳一軍。仍駐徽州屯溪鎮。究恐力薄。勢單。如李秀城果挾洪逆由此路突出。恐不足資扼截。而現在句溧一帶。賊踞甚堅。溧陽更為賊之眷屬。輜重所在。李秀城、李侍賢復併力於此。官軍獨唐殿魁等各營。僅守奔牛一鎮。頗覺空虛。曾國藩、左宗棠等老謀。均不急求旦夕之功。而欲併力聚殲。使賊不得銳走。

所見本同。卽李鴻章疊克蘇錫各城。此次與賊力爭奔牛。亦必能識此意。惟常州攻擣勢在垂克。恐未能復令各軍舍而他圖。常賊雖不耐戰。而守亦頗堅。若不速籌攻克。保無別生枝節。李鴻章諒有成竹在胸。在宗棠此奏。謂曾國藩亟應分兵以取廣德。力顧東壩。與浙師聯絡。李鴻章亟應由無錫攻宜溧。使賊不至由此路鉅走。自屬確有所見。著曾國藩左宗棠李鴻章沈葆楨悉心商酌。謀出萬全。為東南半壁一勞永逸之計。江省之防。據左宗棠奏。以嚴扼昌江。力保上游為主。昌江係屬何水。著沈葆楨嚴密布置。與皖境浙師相為策應。並遵前旨。將饒信兩防各軍。妥為調度。豫籌堵截。奔牛降人。前據李鴻章奏。係邵小雙此次所保之邵之倫。請賞加遊擊銜。是否卽係其人。現在該處守禦緊要。該降人等。是否出力可靠。著李鴻章查明具奏。將此由六百里各諭令知之。○以江蘇奔牛鎮解圍。

賞總兵官文茂林。副將黃桂蘭。參將周蘭亭。已圖魯名。號餘加銜升敘有差。○以浙江官軍赴援安徽江西出力。賞遊擊李國良。知州楊詠春等花翎。守備蔣長春等藍翎。餘加銜升敘開復有差。○緩徵直隸開東明長垣豐潤武清冀甯河東安肅完東鹿天津青靜海滄南皮鹽山鉅鹿大名懷來玉田衡水甯晉深三十四州縣被水被旱被雹被蟲地方。新舊額賦暨雜課有差。○緩徵江蘇山陽阜甯清河桃源鹽城高郵泰東臺甘泉興化寶應銅山豐沛蕭陽山邳宿遷睢寧海沭陽贛榆泰興二十三州縣被水被旱地方。漕糧暨折色銀兩。○緩徵江蘇山陽阜甯清河桃源安東鹽城高郵泰東臺江都甘泉興化寶應銅山豐沛蕭陽山邳宿遷睢寧海沭陽贛榆通泰興海門靖江二十八州廳縣暨淮安大河揚州徐州四衛被水被旱被兵地方。新舊額賦租課有差。○蠲緩江蘇長洲元和吳江

吳震澤武進陽湖無錫金匱江陰宜興荆溪
丹徒丹陽金壇溧陽華亭婁青浦寶山常熟
昭文崑山新陽太湖金山太倉鎮洋嘉定奉
賢南匯川沙上海三十三州廳縣暨蘇州太
倉鎮海金山鎮江五衛被擾地方舊欠額賦
漕糧有差○乙巳

高宗純皇帝忌辰遣官祭

裕陵

上詣

壽皇殿行禮○諭議政王軍機大臣等前因滿
慶恩慶奏稱呼徵捏詞誣控並勒辦瞻對及
委員安稟等各摺片當經諭令滿慶等以呼
徵控訴各語萬難憑信令其傳知李玉圃迅
速赴京質對並曉諭明正土司安站通道糧
買嚴清榮撤回川省查辦矣呼徵失察堪布
剋扣布施不能秉公辦理致令藏中滋事斷
難復令回藏所控情節亦難憑信汪曲結布
既為藏中僧俗所服即著滿慶等責令協同

達賴喇嘛掌辦藏務令其撫輯僧俗務使各
寺相安永息爭端不准區分黨類特強陵弱
再行滋事儻能全藏底定尚當破格加恩所
有呼徵前控各情並著無庸查辦此係朝廷
為安輯全藏起見特降此旨即著滿慶等傳
諭汪曲結布知悉令其益知感激倍加奮勉
前據駱秉章奏瞻對匪眾現已回巢此時所
調藏兵自無庸再行進剿以省兵力而示體
恤著滿慶即將此項兵丁撤回仍歸藏地本
境毋庸越境會剿並著崇實駱秉章飭令史
致康派撥兵丁查拏夾壩以次疏通驛路前
據滿慶等奏稱李玉圃在川候補十年未得
署缺並聲敘該員勞績請破格錄用當以該
員現辦軍務俟有成效再行奏獎現在瞻對
既無須進剿著滿慶等即將該員前次勞績
查明會同崇實駱秉章福濟景紋保奏令其
赴川由駱秉章送部引見並由駱秉章察看
該員才具酌量委用其嚴清榮被參之案即

著福濟等將該員撤回內地查辦。其明正等土司仍由滿慶等曉諭。令其照常安設驛站。呼徵事現在雖可無庸查辦。瞻對土匪回巢能否與明正等土司日久相安。及洋人傳教能否阻止各節。事關緊要。福濟曾任封疆。辦理較滿慶等更富老練。福濟到藏後。卽幫同景紋。將該處實在情形辦理。一面迅速奏聞。其福濟行止。著俟藏務辦竣後。再行請旨。滿慶本係任滿赴京人員。著仍遵前旨起程回

京。福濟等仍遵前旨迅速赴藏。毋稍延緩。將此由六百里各諭令知之。○又諭崇實賂秉章奏。密陳西藏情形。請權宜辦理一摺。據稱滿慶李玉圃。汪曲結布互相固結。李玉圃慫恿滿慶蒙混具奏。以汪曲結布掌辦藏務。復奏請將李玉圃破格錄用。汪曲結布奏書中。復力剖滿慶李玉圃之冤。並滿慶李玉圃藉瞻對天主教為名。種種欺詐要挾。請暫籌權宜辦理等語。滿慶等挾私懷詐。把持藏務。已

成固結難解之勢。非權宜辦理。不足以釋藏中之疑。而離其勢。本日已照所請。寄諭滿慶等辦理矣。滿慶等寄諭內。仍將崇實賂秉章福濟景紋四人銜名敘入。以釋滿慶等疑慮。著崇實等僅令滿慶李玉圃。迅卽來京。並曉諭汪曲結布。令其撫輯僧俗。毋令再生事端。儘能全藏底定。尚當破格加恩。俾免疑懼。仍曉以前次加恩。係出自特旨。非由滿慶等奏請。以散其固結之心。一面催令李玉圃迅速

來京。催滿慶等到川。再將李玉圃押解赴京。羅勒拏於道光年間。旣已入藏。彼時未經藏中驅逐。此時弛禁之後。藏中僧俗未必卽至。驚疑滿慶等前奏。藏中因洋人傳教。人心惶惑。是否實在情形。著福濟景紋。於到藏後。查明酌辦。瞻對土匪前已回巢。且係滿慶李玉圃藉勦辦該土司為名。虛詞恫喝。為要挾固結之謀。卽著福濟等飛逐行文。將滿慶等前調藏兵撤回。毋庸越境會剿。以弭邊釁。仍著

駱秉章等飭令史致康督令派出阜和協兵五百名紮駐河口查拏夾壩並曉諭明正裏塘各土司照常安設驛站以期疏通道路惟藏中正當多事之秋此時福濟等赴藏勢更難緩且滿慶等既可由藏來川福濟景紋何獨不可由川赴藏著仍懷遵前旨卽速由川起程馳赴西藏認真查辦毋得藉詞推諉致干重咎至李玉圃詭譎異常未必肯卽行來京質對案情前據滿慶等奏稱該員自到川以來候補十有餘年在口外苦累未得一署本缺懇請破格錄用等語是其志在躁進亟圖回川署缺早已情見乎詞此次寄諭滿慶等令其會同駱秉章等查明李玉圃勞績保奏請獎駱秉章等正可行文滿慶會商酌保一面將李玉圃檄調回省令其署缺俾該員有所欣羨迅速回川以絕藏中勾結煽惑之端亦係權宜一法總之藏中之治亂惟以福濟景紋到藏之遲速為斷如果能迅速赴藏

俾滿慶等及早交卸則李玉圃自無所用其煽惑福濟景紋當識此意趕緊由川起程不得一味畏憚致誤大局至福濟此次赴藏仍當以幫同景紋專勘瞻對為詞以釋滿慶等疑懼俟到藏後仍將呼徵等一案暗中查明據實具奏此次寄諭崇實等當加意慎密卽將來覆奏時繕寫摺件之人亦當慎擇毋令稍有宣露將此由六百里各諭令知之○又諭據崇實等奏遵旨設法查提田興恕密陳各情並據總理各國事務衙門將駱秉章所致信函呈覽所稱田興恕在松桃一帶路途既有阻塞蹤跡亦無定向意欲總理衙門再與柏爾德密酌議先將田興恕罪名令貴州擬定迅速奏結一面將其提解遣戍等語所慮不為不周惟此事前據總理衙門密片陳奏柏爾德密意稍活動時卽乘機告以將該革員發往新疆不准援免卽可立結自可毋庸監禁以免稽遲而該公使覆稱拏問一節

已告知本國此時拏問之人並未監禁卽拏問亦恐不實必須監禁後給予照會以便寄知本國卽可辨結是該將軍等設想所及卽總理衙門所業經商辦之事田興恕情罪重大該公使應允僅止監禁遣戍完案實屬萬不可失之機會今拖延日久再與饒舌彼必仍以礙難告知本國為詞且恐謂中國盡屬虛言誑誘乘機生釁頓翻前議屆時該將軍等尚欲顧全國體人心不知又將何所措手也著崇實賂秉章懷遵上年十月二十四日密寄諭旨迅速設法將田興恕查提到省或卽照賂秉章此次函內所擬選其平素相信之人前往查提先使之釋然不疑迨入川後卽行羈禁一面迅速奏聞卽可明降諭旨宣示完結此案川黔兩省教民咸使聞知當無異議此事關繫至重崇實賂秉章切不可稍存推諉之見再延時日致誤全局懷之將此由六百里密諭知之○丙午諭議政王軍機

大臣等多隆阿奏彙報各路軍務現籌攻勦情形一摺據稱盤屋城內油鹽缺乏逆勢十分窮蹙適值大雪積深師人多凍必少需時日方能相機勦辦准劉蓉來咨青石關諸軍以糧運不繼退扼川疆青石關各隘已為賊踞多隆阿擬俟藍逆殲除卽當全軍致討而陳大濬張總愚股匪分擾南陽屬境潼關應須嚴防各營不敷分布請仍調石青吉等七營來陝等語藍屋賊糧乏絕已如釜魚阱獸該將軍病已漸痊著俟積雪消融卽督飭移圖善等實力進攻務將藍逆全股一律殲除以便移兵漢南與劉蓉會師進勦前據劉蓉奏川援各軍分駐青石關梅子壩一帶屢次獲勝賊亦不復來犯惟因地勢高峻冰霰堅凝糧運不繼不得已退紮西河口等處賊亦退駐新集油坊街老巢未言賊踞青石關要隘或我兵既退之後賊匪乘虛踞險連日情形若何如何進兵奪隘之處著劉蓉妥籌進

紮相度機宜。迅速馳奏。商南股匪竄至山陽。鄖西交界之漫川關。著官文、嚴樹森嚴飭梁作楫一軍會同李雲麟所派兩營分路夾擊。不准再有蔓延。多隆阿因兵力不敷分布。請調石清吉等七營赴陝。若官文等速飭石清吉等七營兼程赴陝。以資攻剿。陳大溥等股分擾南陽屬境。潼關為全陝門戶。該將軍必須派兵嚴防。毋稍疏失。陶茂林一軍前據雷正綰奏。接其來函。有准於十四日到汧之語。已諭雷正綰督軍與陶茂林前後夾擊。將汧隴及靈臺崇信之賊痛加勦洗。茲據多隆阿奏。鳳翔回民乞撫。已為頒發告條。飭總兵慶瑞前往會同分別辦理。陶茂林一軍俟將撫局辦理妥協。並將鳳翔北山零匪擒捕淨盡。再飭拔隊由汧隴取道進攻。是陶茂林十四日到汧之語。又成畫餅。該提督前此奮勇解圍。是以特加擢用。宜如何勉力殺賊。藉圖報稱。乃自議撫以後。時已數月。未聞著有成效。

恐為回匪所愚。藉作緩兵之計。鳳翔固守十數月之功。未可敗於垂成。多隆阿既派慶瑞前往會同辦理。即著嚴飭陶茂林等妥為籌辦。若復稍留後患。必惟陶茂林等是問。決不寬貸。俟辦有頭緒。即應迅赴汧隴會剿。甘肅待援孔亟。多隆阿務飭陶茂林趕緊前進。毋稍膜視。麟遊北山一帶之賊。催令曹克忠認真勦洗。山東勇丁赴定邊防剿。俟到陝後。由該將軍另揀得力將弁前往統帶。將此由六

百里各諭令知之。○以江蘇興化縣捐輸軍餉永廣學額四名。○以湖北捐輸團練永廣通山縣學額七名。廣濟縣五名。○緩徵山東臨清、厯城、長山、齊河、禹城、長清、平原、泰安、東平、東阿、平陰、惠民、陽信、樂陵、濱、霑、化、鄒、滕、陽穀、河、澤、定、陶、鉅、野、濮、朝、城、費、聊、城、堂邑、在平、革、冠、館、陶、高、唐、昌、樂、安、邱、及、津、金、鄆、嘉、祥、濟甯、章、邱、淄、川、齊、東、濟、陽、臨、邑、陵、肥、城、海、豐、利、津、蒲、臺、曲、阜、泗、水、嶧、壽、張、單、城、武、曹、鄆、城、范

蘭山。郟城。沂水。日照。博平。清平。恩。益。都。臨。淄。諸城。邱。魚。臺。樂安。七十州縣。暨德州。東昌。臨清。濟甯。四衛。東平所屯莊。被災被擾地方。本年上忙額賦。暨漕河倉課有差。○丁未。命四川按察使牛樹梅來京。以廣東鹽運使蔣志章為四川按察使。○戊申。諭議政王軍機大臣等。曾國藩奏陳近日軍情一摺。日前據左宗棠奏。賊中李秀城。李侍賢二酋。最為狡悍。屢欲挾洪逆出走。恐由句容。溧陽。廣德一帶。

圖竄。與李鴻章奏。官軍與賊力爭奔牛要衝。李秀城現在句溧一帶。併力抗拒等情。正相符合。左宗棠謂曾國藩所部。亟應分兵以取廣德。力顧東壩。與浙師聯絡。李鴻章應由無錫攻宜溧。防賊由此竄走。當經寄諭曾國藩。左宗棠。李鴻章。沈葆楨。悉心商酌。謀出萬全。以期同心合力。迅奏膚公。茲據曾國藩所奏。忠侍二逆。既不能各保分地。又不欲苦援金陵。非自皖以入江。別無圖存之策。計從廣德。

上竄江西。約有兩路。西由旌德。太平。石埭。以竄饒。景。東由昌化。淳安。開化。以竄玉山。其西路之防。曾國藩已派兵堅守。涇旌。石太。青池。六城。東路之防。必由浙境經過。亦已分咨左宗棠。沈葆楨。分別扼守。以期節節堵遏等語。與前左宗棠所奏。仍是一事。東南事勢。方當得手。尤應防賊出竄。致成不了之局。疊據曾國藩。左宗棠等所奏。謀畫均屬相同。惟西路甯池太屬。曾國藩分兵駐守。自足以遏賊衝。

而東路徽屬。據左宗棠前奏。本有王開琳一軍駐屯溪鎮。力薄勢單。恐不足資扼截之語。浙軍此時進攻杭州。餘杭二城。徽境之防。是否尚能增兵。廣德撫局未成。辦理究竟如何。曾國藩所部。能否分兵力取此城。以與浙師聯絡。朝廷不能遙度。諒該督等同矢公忠。必能共籌大局。以保萬全也。金陵賊氣尚固。糧食未盡。仍當飭令曾國荃力求穩慎。相機攻取。毋徒急求旦夕之功。李鴻章前奏常州攻。

勦勢在垂克。如果賊以全力併由句漂一路

突竄。該撫亦當豫籌兼顧。分飭諸軍緊躡力

追。使賊不得善脫。與徽甯各防之軍奮力夾

擊。江省饒信兩防沈葆楨籌之有素。此時更

當嚴密布置。著卽懷遵疊次諭旨。妥為調度。

毋稍疏虞。皖北漸就肅清。壽六一帶。毛有銘

將凝學等各軍。當可別資分撥。能否調赴皖

南。分投防勦之處。並著曾國藩妥為籌布。皖

北善後。正當緊要。喬松年身任封圻。責無旁

貸。前據袁保恒陳奏數條。不為無見。著鈔給

曾國藩喬松年閱看。所言是否可行。抑應如

何酌量辦理。卽著該督撫隨時妥籌具奏。將

此由六百里各諭令知之。○以江南水師克

復九洲洲出力。賞總兵官汪得元。丁際盛。言

秀林尹坤山。彭昌禧。副將歐陽森茂。羅芝雲

賓得桂。王金楷。趙俊秀。朱興亨。許鼎臣。參將

易朝貴。張得勝。劉取仁。巴圖魯名號。遊擊龍

意發等花翎。府經歷邱式漢等藍翎。餘加銜

升敘有差。○

上以上辛祈穀於

上帝。自是日始。齋戒三日。○己酉。

世祖章皇帝忌辰。遣官祭

孝陵。○諭議政王軍機大臣等。恩夔奏青州德

州俸餉馬乾久缺。馬匹缺額。無從買補。一摺。

青州德州營馬缺額。至數百匹之多。向賴馬

乾以資買補。若復拖延不解。致令兵丁飢寒。

馬匹疲瘵。缺額久懸於操防。殊有關係。著閻

敬銘迅飭山東藩司。將各該營官兵連年俸

餉馬乾等項銀兩。連卽寬為補解。不准再事

宕延。恩夔於收到此項餉銀時。卽將馬政妥

為整頓。務期一律臚壯足額。毋誤差操。是為

至要。將此各諭令知之。○

上以孟春時享

太廟。自是日始。齋戒三日。○庚戌。諭內閣。慶春

奏。山海關駐防兵丁。應領同治二年欠放米

石。管糧通判慶恩。定於上年十二月二十九

日午刻開放。甲兵雅薩布等於是日早晨。聚集二百餘人。擅入通判衙署索米。經慶春派令協領和威阿等前往解散。該通判隨將同治二年欠放米石。當日全數開放。請將聚眾索米之甲兵。解交刑部治罪。並請將該協領等議處。暨自請議處等語。山海關駐防兵丁。於應領欠放米石。膽敢聚集多人。徑赴通判衙署索米。此等刁風。實屬可惡。著慶春將首先滋事之甲兵雅薩布等十一名。解交刑部審明治罪。惟據慶春聲稱。定於二十九日。散放米石。何以該兵丁等仍不肯靜候散放。徑入通判衙署滋鬧。該通判有無抑勒侵蝕情弊。並著刑部一併查訊。照例定擬。其管轄不嚴之左翼協領兼佐領和威阿。右翼協領兼佐領伊克經額。佐領德存。順齡。和明。阿慶年。佛爾國春。扎普善。均著交部照例議處。慶春失於覺察。著一併交部議處。尋議慶春應罰俸一年。准其抵銷。從之。○又諭。官文等奏。請

將隨營效力之逃配流犯。免罪等語。已革黑龍江披甲托佛洪阿。於咸豐五年。聽從舒凌阿行竊庫銀案內。審擬杖流。在配脫逃。改名金玉。投效湖北軍營。本有應得之罪。惟念該犯在營七年。疊次打仗出力。尚屬奮勇。所有托佛洪阿原犯杖流。及在配脫逃罪名。著一併寬免。仍責令隨隊勦賊。以觀後效。○諭議政王軍機大臣等。內務府戶部奏。遵議毛鴻賓等奏。粵海關例解廣儲司公用銀兩。力難批解。請於各海關均勻分解一摺。廣儲司公用銀三十萬兩。例由粵海關按季批解。未便率改舊章。且各關撥款。亦屬繁多。若再令添解鉅款。勢必藉詞推諉。於要需毫無實際。著照該衙門所議。該關欠解二年京餉銀十萬兩。仍著照舊報解。其陳欠京餉銀四十萬兩。著准其暫緩籌解。其應解廣儲司公用銀兩。仍著如數解交內務府兌收。以重庫款。經此次曲加體恤。毛鴻賓郭嵩壽。疏清務當認真

籌款陸續起解。不准藉端拖延。亦不准飾詞
瀆請。儻敢再行延宕。定卽從嚴懲處。將由由
五百里諭知毛鴻賓郭嵩燾並傳諭毓清知
之。○又諭官文嚴樹森奏鄂省鄭襄隨東軍
務緊急。驟難派兵赴豫。並籌調征皖楚軍回
鄂。以資援剿一摺。另片奏藍逆竄踞鄖縣所
屬之趙家川。攻撲鄖西縣屬之城牆堰等處。
要隘均經官軍團勇先後擊退等語。髮逆藍
二順已由商南竄繞鄖境。擒匪陳大禧餘黨

陳老陽等亦由信陽竄入隨州之小林店等
處。數皆逾萬。而苗黨漏網之苗添聲復有糾
合宋景詩潰匪圖竄孝感之信。鄂省西北邊
境警報頻仍。官文等以眾寇環聚鄂疆。兵勇
不敷分布。將駐皖之成大吉石清吉兩軍調
回援剿。自是先其所急。惟隨東德安一帶現
有總兵楊朝林趙克彰各營及烏勒喜布等
馬隊前往防剿。總兵王桐柏周鳳山各率所
部扼紮於隨州之馬平港黃陂縣之九子墩

等處。今復益以成大吉石清吉兩支勁旅。兵
力不為不厚。該大臣等以賊蹤散漫。道路紛
岐。尚宜以靜待動。固屬老成持重之見。然籌
防不如進剿。近守不若遠攻。著卽激勵諸軍
鼓勇前進。迅將竄入小林店之陳老陽等股
匪剋日殲除。如苗添聲糾合苗黨南竄。亦當
嚴飭各將領迎頭截剿。毋令闖入楚疆。一俟
楚北軍務稍鬆。卽恪遵前旨。飛調石清吉七
營星速赴陝。交多隆阿調遣。以拯漢南之急。

該大臣等素顧大局。諒能妥籌援剿。毋誤事
機。鄖屬官軍疊經獲勝。近復添調唐協和助
剿。並著檄飭道員梁作楫等督率各營將趙
家川踞匪剿滅。肅清疆圉。其張總愚一股。業
由內鄉竄往南召魯山一帶。賊蹤去楚較遠。
楚軍自未便深入會剿。著張之萬速飭張曜
奮力進攻。若能將盤踞山中之賊聚而殲旃。
固屬妥善。否則偪令出險。俾蘇克全馬隊得
以盡其所長。亦不難於撲滅。該撫務將此股